

阿彌陀佛四十八大願讚誦

爐香讚

爐香乍爇 法界蒙薰 諸佛海

會悉遙聞 隨處結祥雲 誠意方

殷 諸佛現全身 南無香雲蓋 菩

薩摩訶 薩南無香雲蓋 菩薩

訶 摩
薩 訶
薩 南無香雲蓋
菩 薩
摩

南無西方極樂世界大慈大悲阿彌陀佛
(三稱三拜)

恭誦：

西方極樂世界。

大慈大悲阿彌陀佛四十八大願。

（錄自佛說無量壽經）

第一大願 國無惡道願：

設我得佛。國有地獄餓鬼畜生者。
不取正覺。

第二大願 不更惡道願：

設我得佛。國中天人壽終之後。
復更三惡道者。不取正覺。

第三大願 身真金色願：

設我得佛。國中天人不知真金色者。

不取正覺。

第四大願 形色相同願：

設我得佛。國中天人形色不同有好醜者。不取正覺。

第五大願 宿命智通願：

設我得佛。國中天人。不識宿命。下至知百千億那由他諸劫事者。不取正覺。

第六大願 天眼普見願：

設我得佛。國中天人不得天眼。下至見百千億那由他諸佛國者。不取正覺。

第七大願 天耳普聞願：

設我得佛。國中天人不得天耳。下至聞

百千億那由他諸佛所說。不悉受持者。
不取正覺。

第八大願 他心悉知願：

設我得佛。國中天人不得見他心智。

下至知百千億那由他諸佛國中眾生心
念者。不取正覺。

第九大願 神足無礙願：

設我得佛。國中天人不得神足。於一念

頃。下至不能超過百千億那由他諸佛國者。不取正覺。

第十大願 不貪計身願：

設我得佛。國中天人若起想念貪計身

者。不取正覺。

第十一大願 住定證滅願：

設我得佛。國中天人不住定聚^(註一)必至滅^(註二)者。不取正覺。

第十二大願 光明無量願：

設我得佛。光明有能限量。下至不照百千億那由他諸佛國者。不取正覺。

第十三大願 壽命無量願：

設我得佛。壽命有能限量。下至百千億
那由他劫者。不取正覺。

第十四 大願 聲聞無數願：

設我得佛。國中聲聞有能計量。乃至三

千大千世界眾生悉成緣覺。於百千劫悉
共計校。知其數者。不取正覺。

第十五大願 隨願修短願：

設我得佛。國中天人壽命。無能限量。

除其本願修短自在。若不爾者。不取正覺。

第十六大願 不聞惡名願：

設我得佛。國中天人。乃至聞有不善名

者。不取正覺。

第十七大願 諸佛稱歎願：

設我得佛。十方世界無量諸佛。不悉咨
嗟（註三）稱我名者。不取正覺。

第十八大願 十念必生願：

設我得佛。十方眾生。至心信樂。欲生我國。乃至十念^(註四)。若不生者。不取正覺。唯除五逆^(註五)。誹謗正法。

第十九大願 臨終接引願：

設我得佛。十方眾生。發菩提心。修諸功德。至心發願。欲生我國。臨壽終時。假令不與大眾圍繞現其人前者。不取正覺。

第二十大願 欲生果遂願：

設我得佛。眾生聞我名號。繫念我國。
植眾德本。至心迴向。欲生我國。不果
遂者。不取正覺。

第二十一大願 三十二相願：

設我得佛。國中天人。不悉成滿三十二大人相者。不取正覺。

第二十二大願 一生補處願：

設我得佛。他方佛土諸菩薩眾。來生我國。究竟必至一生補處(註六)。除其本願自在所化。為眾生故。被弘誓鎧たて。積累德本。度脫一切。遊諸佛國。修菩薩行。供養十方諸佛如來。開化恒沙無量眾。

生。使立無上正真之道。超出常倫諸地
之行。現前修習普賢之德。若不爾者。
不取正覺。

第二十三大願 供養諸佛願：

設我得佛。國中菩薩。承佛神力。供養諸佛。一食之頃。不能徧至無量無數億那由他諸佛國者。不取正覺。

第二十四大願 供具隨意願：

設我得佛。國中菩薩，在諸佛前。現其德本。諸所求欲供養之具。若不如意者。不取正覺。

第二十五大願 演說妙智願：

設我得佛。國中菩薩。不能演說一切智者^(註七)。不取正覺。

第二十六大願 那羅延身願：

設我得佛。國中菩薩。不得金剛那羅延
身者^(註八)。不取正覺。

第二十七大願 一切嚴淨願：

設我得佛。國中天人。一切萬物。嚴淨
光麗。形色殊特。窮微極妙。無能稱量。
其諸眾生。乃至逮得天眼。有能明了辨
其名數者。不取正覺。

第二十八大願 道樹高顯願：

設我得佛。國中菩薩。乃至少功德者，
不能知見其道場樹無量光色高四百萬
里者。不取正覺。

第二十九大願 誦經得慧願：

設我得佛。國中菩薩。若受讀經法。諷誦持說。而不得辯才智慧者。不取正覺。

第三十大願 慧辯無限願：

設我得佛。國中菩薩。智慧辯才。若可
限量者。不取正覺。

第三十一大願 照見十方願：

設我得佛。國土清淨。皆悉照見十方一切無量無數不可思議諸佛世界。猶如明鏡。覩カク其面像。若不爾者。不取正覺。

第三十二大願 寶香妙嚴願：

設我得佛。自地已上。至於虛空。宮殿
樓觀。池流華樹。國中所有。一切萬物。
皆以無量雜寶。百千種香。而共合成。
嚴飾奇妙。超諸天人。其香普熏十方世
界。菩薩聞者。皆修佛行。若不爾者。

不取正覺。

第三十三大願 蒙光柔軟願：

設我得佛。十方無量不可思議諸佛世界
眾生之類。蒙我光明觸其體者。身心柔

軟。超過天人。若不爾者。不取正覺。

第三十四大願 聞名得忍願：

設我得佛。十方無量不可思議諸佛世界
眾生之類。聞我名字。不得菩薩無生法

忍^(註九)。諸深總持者^(註十)。不取正覺。

第三十五大願 脫離女身願：

設我得佛。十方無量不可思議諸佛世界。其有女人聞我名字。歡喜信樂。發

菩提心^(註十一)。厭惡女身。壽終之後。復
為女像者。不取正覺。

第三十六大願 常修梵行願：

設我得佛。十方無量不可思議諸佛世界

諸菩薩眾。聞我名字。壽終之後。常修
梵行_(註十二)。至成佛道。若不爾者。不取
正覺。

第三十七大願 天人致敬願：

設我得佛。十方無量不可思議諸佛世界
諸天人民。聞我名字。五體投地。稽首
作禮。歡喜信樂。修菩薩行。諸天世人。
莫不致敬。若不爾者。不取正覺。

第三十八大願 衣服隨念願シヨ：

設我得佛。國中天人。欲得衣服。隨念
即至。如佛所讚應法妙服。自然在身。
若有求裁縫ケム 擣染ケム 浣濯スウ者。不取正覺。

第三十九大願 樂如漏盡願：

設我得佛。國中天人所受快樂。不如漏
盡比丘者。(註十三)。不取正覺。

第四十大願 樹中現刹願：

設我得佛。國中菩薩。隨意欲見十方無
量嚴淨佛土。應時如願。於寶樹中。皆
悉照見。猶如明鏡。覩けん其面像。若不爾
者。不取正覺。

第四十一大願 諸根無缺願：

設我得佛。他方國土諸菩薩眾。聞我名字。至於得佛。諸根(註十四)缺漏不具足者。不取正覺。

第四十二大願 清淨解脫願：

設我得佛。他方國土諸菩薩眾。聞我名字。皆悉逮得清淨解脫三昧（註十五）。住是三昧。一發意頃。供養無量不可思議諸佛世尊。而不失定意。若不爾者。不取

正覺。

第四十三大願 聞名得福願：

設我得佛。他方國土諸菩薩眾。聞我名字。壽終之後。生尊貴家。若不爾者。

不取正覺。

第四十四大願 修行具德願：

設我得佛。他方國土諸菩薩眾。聞我名字。歡喜踊躍。修菩薩行。具足德本。

若不爾者。不取正覺。

第四十五大願 普等三昧願：

設我得佛。他方國土諸菩薩眾。聞我名字。皆悉逮得普等三昧（註十六）。住是三昧。

至於成佛。常見無量不可思議諸佛。若不爾者。不取正覺。

第四十大願 隨願聞法願：

設我得佛。國中菩薩。隨其志願所欲聞

法。自然得聞。若不爾者。不取正覺。

第四十七大願 聞名不退願：

設我得佛。他方國土諸菩薩眾。聞我名字。不即得至不退轉者。(註十七)。不取正覺。

第四十八大願 得三法忍願：

設我得佛。他方國土諸菩薩眾。聞我名字。不即得至第一第二第三法忍。

(註十八)

於諸佛法。不能即得不退轉者。不取正覺。

西方極樂世界。

大慈大悲阿彌陀佛四十八大願。

彌陀讚

彌陀佛。大願王。慈悲喜舍難量。

眉間常放白毫光。度眾生極樂邦。
八德池中蓮九品。七寶妙樹成行。
如來聖號若宣揚。接引往西方。
彌陀聖號若稱揚。同願往西方。

讚佛偈

阿彌陀佛身金色。相好光明無等倫。
白毫宛轉五須彌。紺目澄清四大海。
光中化佛無數億。化菩薩眾亦無邊。
四十八願度眾生。九品咸令登彼岸。

南無西方極樂世界。大慈大悲。
阿彌陀佛。

南無阿彌陀佛。
(數百千聲)

南無觀世音菩薩。
(三稱)

南無大勢至菩薩。
(三稱)

南無清淨大海眾菩薩。 (三稱)

大慈菩薩發願偈

十方三世佛。阿彌陀第一。九品度眾生。
威德無窮極。

我今大皈依。懺悔三業罪。凡有諸福善。
至心用迴向。

願同念佛人。感應隨時現。臨終西方境。
分明在目前。

見聞皆精進。同生極樂國。見佛了生死。

如佛度一切。

無邊煩惱斷。無量法門修。誓願度眾生。
總願成佛道。

虛空有盡。我願無窮。情與無情。同圓
種智。

十方三世一切佛。一切菩薩摩訶薩。
摩訶般若波羅蜜。

三皈依

自皈依佛，當願眾生：體解大道，
發無上心。

自皈依法，當願眾生：深入經藏，
智慧如海。

自皈依僧，當願眾生：統理大眾，
一切無礙。
和南聖眾。

迴向偈

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國。

(註一)定聚：三定聚之一。正定聚，邪定聚，不定聚，稱三定聚。正定聚：三乘之行人，各修其因，正得其果之位也。又名不退位。

(註二)滅度：涅槃經二十九曰：「滅生死故，名為滅度。」肇論曰：「滅度者，言其大患永滅，超度四流。」

(註三)咨嗟：稱揚讚歎。

(註四)十念：1．念十聲的南無阿彌陀佛。2．念十口氣的南

無阿彌陀佛。

(註五)五種極逆於理的罪惡，即殺父、殺母、殺阿羅漢、出佛身之血，破和合之僧。因此五種是極端罪惡的行為，任犯一種，即墮無間地獄，故又名無間業。

(註六)一生補處：盡此一生就能補到佛位的意思，是最後身菩薩的別號，如現在居於兜率天的彌勒菩薩，就是一生補處菩薩。

(註七) 一切智：中論疏九末曰：「知一切法，名一切智。」
「智度論云：如函大蓋亦大，還以無盡之智，知無盡法，
是故如來名一切智。」

(註八) 金剛那羅延身：謂其體堅固如金剛，其力強如那羅延神
之身也。譯言勝力，或堅牢。天上力士之名。

(註九) 無生法者：遠離生滅之真如實相理體也，真智安住於此
理而不動，謂之無生法忍。於初地或七八九地所得之悟

也。

(註十)總持：梵語陀羅尼，譯言總持。持善不失，持惡不起之義。口念與定慧為體，菩薩所修之念定慧具此功德也。

(註十一)發菩提心：梵語菩提，謂菩薩發無量菩提心，恒起大悲，救護眾生，攝化成就，即得生如來家，是名發菩提心受生藏。

(註十二)梵行：梵者清淨之義，斷婬欲之法為梵行，即梵天之

行法也。修梵行則生梵天。

(註十三)漏盡比丘：斷盡一切煩惱的比丘，即阿羅漢。

(註十四)諸根：信勤念定慧之五根，其他一切之善根也。無量

壽經曰：「諸根智慧。」又眼耳鼻舌身之五根也。

(註十五)清淨解脫三昧：三昧又名三摩地，華譯為正定，即

離諸邪亂，攝心不散的意思。所住之三昧，無垢清淨，

離一切之繫縛而自在，名曰清淨解脫三昧。

(註十六) 普等三昧：普者普遍，等者齊等也，住此三昧則普見一切諸佛，故名普等三昧。無量壽經上曰：「逮得普等三昧，住是三昧，至於成佛常見無量不可思議一切諸佛。」悲華經謂之遍至三昧，分陀利經謂之普至三昧，莊嚴經謂之普遍三摩地。

(註十七) 不退轉：所修之功德善根愈增愈進，不更退失轉變也。略云不退，即梵語之阿毘跋致也。

(註十八)三法忍：往生極樂之人聞七寶樹林之音聲，而得三種之忍：一音響忍，由音響而悟解真理者。二柔順忍，慧心柔軟，能隨順真理者。三無生法忍，證無生之實性而離諸相者，是悟道之至極也。

佛說阿彌陀經

姚秦天竺三藏法師 鳩摩羅什 譯

佛陀教育基金會印贈

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，

如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

一 恭錄自《印光大師文鈔三編卷四：靈巖山寺念誦儀規題辭》

蓮池讚

蓮池海會。彌陀如來。觀音勢至坐蓮臺。接引
上金階。大誓弘開。普願離塵埃。

南無蓮池海會菩薩摩訶薩。(三稱)

南無蓮池海會佛菩薩。(三稱)

佛說阿彌陀經。

姚秦三藏法鳩摩羅什師譯

如是我聞。一時佛在舍衛國。祇樹給孤獨園。與大比丘僧。千二百五十人俱。皆是大阿羅漢。眾所知識。長老舍利弗。摩訶目犍

連。摩訶迦葉。摩訶迦旃延。摩訶俱絺羅。
離婆多。周利槃陀伽。難陀。阿難陀。羅睺
羅。憍梵波提。賓頭盧頗羅墮。迦留陀夷。
摩訶劫賓那。薄拘羅。阿菟樓駄。如是等諸
大弟子。并諸菩薩摩訶薩。文殊師利法王

子。阿逸多菩薩。乾陀訶提菩薩。常精進菩薩。與如是等諸大菩薩。及釋提桓ㄉㄨㄢˋ因等。無量諸天大眾俱。爾時佛告長老舍利弗。從是西方。過十萬億佛土。有世界名曰極樂。其土有佛。號阿彌陀。今現在說法。舍利弗。

彼土何故名為極樂。其國眾生。無有眾苦。
但受諸樂。故名極樂。又舍利弗。極樂國
土。七重欄楯^{アス}。七重羅網。七重行樹。皆是
四寶周帀^{アヤ}圍繞。是故彼國名為極樂。又舍利
弗。極樂國土。有七寶池。八功德水充滿其

中。池底純以金沙布地。四邊階道。金。
銀。瑠璃カニヌ。玻瓈カニ合成。上有樓閣。亦以金。
銀。瑠璃カニヌ。玻瓈カニ。砮磔イセ。赤珠。瑪瑙。而嚴
飾之。池中蓮華。大如車輪。青色青光。黃
色黃光。赤色赤光。白色白光。微妙香潔。

舍利弗。極樂國土。成就如是功德莊嚴。又舍利弗。彼佛國土。常作天樂。黃金為地。

晝夜六時。雨天曼陀羅華。其土眾生。常以清旦。各以衣袂。盛眾妙華。供養他方十萬億佛。即以食時。還到本國。飯食經行。舍

利弗。極樂國土。成就如是功德莊嚴。復次
舍利弗。彼國常有種種奇妙雜色之鳥。白
鶴。孔雀。鸚鵡。舍利。迦陵頻伽カウリンカ。共命之
鳥。是諸眾鳥。晝夜六時。出和雅音。其音
演暢五根。五力。七菩提分。八聖道分。如

是等法。其土眾生。聞是音已。皆悉念佛。
念法。念僧。舍利弗。汝勿謂此鳥。實是罪
報所生。所以者何。彼佛國土。無三惡道。
舍利弗。其佛國土。尚無惡道之名。何況有
實。是諸眾鳥。皆是阿彌陀佛。欲令法音宣

流。變化所作。舍利弗。彼佛國土。微風吹動。諸寶行樹。及寶羅網。出微妙音。譬如百千種樂。同時俱作。聞是音者。自然皆生念佛。念法。念僧之心。舍利弗。其佛國土。成就如是功德莊嚴。舍利弗。於汝意云

何。彼佛何故號阿彌陀。舍利弗。彼佛光明
無量。照十方國。無所障礙。是故號為阿彌
陀。又舍利弗。彼佛壽命。及其人民。無量
無邊阿僧祇劫。故名阿彌陀。舍利弗。阿彌
陀佛。成佛已來。於今十劫。又舍利弗。彼

佛有無量無邊聲聞弟子。皆阿羅漢。非是算
數之所能知。諸菩薩眾。亦復如是。舍利
弗。彼佛國土。成就如是功德莊嚴。又舍利
弗。極樂國土。眾生生者。皆是阿鞞跋致。
其中多有一生補處。其數甚多。非是算數所

能知之。但可以無量無邊阿僧祇說。舍利弗。眾生聞者。應當發願。願生彼國。所以者何。得與如是諸上善人俱會一處。舍利弗。不可以少善根福德因緣。得生彼國。舍利弗。若有善男子。善女人。聞說阿彌陀

佛。執持名號。若一日。若二日。若三日。
若四日。若五日。若六日。若七日。一心不
亂。其人臨命終時。阿彌陀佛。與諸聖眾。
現在其前。是人終時。心不顛倒。即得往生
阿彌陀佛極樂國土。舍利弗。我見是利。故

說此言。若有眾生。聞是說者。應當發願。
生彼國土。舍利弗。如我今者。讚歎阿彌陀
佛。不可思議功德之利。東方亦有阿閼鞞_{イノ}
佛。須彌相佛。大須彌佛。須彌光佛。妙音
佛。如是等恆河沙數諸佛。各於其國。出廣

長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。南方世界。有日月燈佛。名聞光佛。大燄_一肩佛。須彌燈佛。無量精進佛。如是等恆河沙數諸佛。各於其國。

出廣長舌相。徧覆三千大千世界。說誠實
言。汝等眾生。當信是稱讚不可思議功德。
一切諸佛所護念經。舍利弗。西方世界。有
無量壽佛。無量相佛。無量幢佛。大光佛。
大明佛。寶相佛。淨光佛。如是等恆河沙數

諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。北方世界。有燄肩佛。最勝音佛。難沮佛。日生佛。網明佛。如是等恆河沙數諸

佛。各於其國。出廣長舌相。徧文、巧覆三千大千
世界。說誠實言。汝等眾生。當信是稱讚不
可思議功德。一切諸佛所護念經。舍利弗。
下方世界。有師子佛。名聞佛。名光佛。達
摩佛。法幢イ、又、尤佛。持法佛。如是等恆河沙數諸

佛。各於其國。出廣長舌相。徧文覆三千大千
世界。說誠實言。汝等眾生。當信是稱讚不
可思議功德。一切諸佛所護念經。舍利弗。
上方世界。有梵七音佛。宿王佛。香上佛。香
光佛。大燄一肩佛。雜色寶華嚴身佛。娑ム羅樹

王佛。寶華德佛。見一切義佛。如須彌山
佛。如是等恆河沙數諸佛。各於其國。出廣
長舌相。徧々々覆三千大千世界。說誠實言。汝
等眾生。當信是稱讚不可思議功德。一切諸
佛所護念經。舍利弗。於汝意云何。何故名

為一切諸佛所護念經。舍利弗。若有善男子。善女人。聞是經受持者。及聞諸佛名者。是諸善男子。善女人。皆為一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語。及諸

佛所說。舍利弗。若有人已發願。今發願。
當發願。欲生阿彌陀佛國者。是諸人等。皆
得不退轉於阿耨多羅三藐三菩提。於彼國土
若已生。若今生。若當生。是故舍利弗。諸
善男子。善女人。若有信者。應當發願。生

彼國土。舍利弗。如我今者。稱讚諸佛不可
思議功德。彼諸佛等。亦稱讚我不可思議功
德。而作是言。釋迦牟尼佛。能為甚難希有之
事。能於娑婆國土。五濁惡世。劫濁。見
濁。煩惱濁。眾生濁。命濁中。得阿耨多羅

三藐三菩提^{ㄇㄣˇ ㄊㄩㄣˋ}。為諸眾生。說是一切世間難信之法。舍利弗。當知我於五濁惡世。行此難事。得阿耨多羅三藐三菩提^{ㄇㄣˇ ㄊㄩㄣˋ}。為一切世間。說此難信之法。是為甚難。佛說此經已。舍利弗。及諸比丘。一切世間。天人阿修羅

等。聞佛所說。歡喜信受。作禮而去。

佛說阿彌陀經。

拔一切業障根本得生淨土陀羅尼。

南無阿彌多婆夜。哆他伽哆夜。哆地夜。

他阿彌唎都婆毘阿彌唎哆悉耽婆。

毘阿彌唎哆毘迦蘭帝阿彌唎哆毘。

迦蘭哆伽彌膩伽伽那枳多迦隸娑。

婆訶[㊦]

(誦三遍)

彌陀讚

彌陀佛[㊦]。大願王。慈悲喜捨難量。眉間
常放白毫光。度眾生極樂邦[㊦]。八德池中
蓮九品。七寶妙樹成行。如來聖號若宣

揚。接引往西方。彌陀聖號若稱揚。同
願往西方。

讚佛偈

阿彌陀佛身金色。相好光明無等倫
白毫宛轉五須彌。紺目澄清四大海

光中化佛無數億 化菩薩眾亦無邊。

四十八願度眾生 九品咸令登彼岸

南無西方極樂世界 大慈大悲

阿彌陀佛。

南無阿彌陀佛（數百千聲）

南無觀世音菩薩。 (三稱)

南無大勢至菩薩。 (三稱)

南無清淨大海眾菩薩。 (三稱)

迴向文 (以下兩種「迴向文」，隨用一種皆可)

慈雲懺主淨土文

一心歸命 極樂世界 阿彌陀佛。

願以淨光照我 慈誓攝我 我今正念

稱如來名 為菩提道 求生淨土 佛昔

本誓 若有眾生 欲生我國 至心信

樂 乃至十念 若不生者 不取正覺

以此念佛因緣[◎] 得入如來 大誓海中
承佛慈力 眾罪消滅 善根增長 若臨
命終 自知時至 身無病苦 心不貪
戀 意不顛倒 如入禪定 佛及聖眾
手持金臺 來迎接我 於一念頃 生極

樂國。華開見佛。即聞佛乘。頓開佛
慧。廣度眾生。滿菩提願。十方三世一
切佛。一切菩薩摩訶薩。摩訶般若波羅
蜜。

大慈菩薩發願偈

十方三世佛。

阿彌陀第一

九品度眾生

威德無窮極

我今大皈依

懺悔三業罪

凡有諸福善

至心用回向

願同念佛人

感應隨時現

臨終西方境

分明在目前

見聞皆精進

同生極樂國。

見佛了生死

如佛度一切

無邊煩惱斷

無量法門修

誓願度眾生

總願成佛道

虛空有盡 我願無窮

情與無情 同圓種智

十方三世一切佛。一切菩薩摩訶薩。
摩訶般若波羅蜜。

三皈依

自皈依佛

當願眾生

體解大道

發無

上心

自皈依法

當願眾生

深入經藏

智慧

如海

自皈依僧。當願眾生。統理大眾。一切

無礙。和南聖眾。

迴向偈

願生西方淨土中。九品蓮花為父母。

花開見佛悟無生。不退菩薩為伴侶。

願以此功德 莊嚴佛淨土

上報四重恩 下濟三途苦

若有見聞者 悉發菩提心

盡此一報身 同生極樂國

誦經功德殊勝行 無邊勝福皆回向

普願沈溺諸眾生 速往無量光佛刹
十方三世一切佛 一切菩薩摩訶薩
摩訶般若波羅蜜
千手千眼無礙大悲心陀羅尼

《咒語之文字及注音以淨律寺出版之「佛門必備課誦本」為主》

南無喝囉怛那哆囉夜耶 南無阿唎耶

婆盧羯帝爍鉢囉耶 菩提薩埵婆耶 摩

訶薩埵婆耶 摩訶迦盧尼迦耶 唵 薩

皤囉罰曳 數怛那寫 南無悉吉唵

埵伊蒙阿唎耶 婆盧吉帝室佛囉楞馱

婆 南無那囉謹墀 醯唎摩訶皤哆沙

咩 薩婆阿他豆輸朋 阿逝孕 薩婆薩

哆那摩婆薩哆 那摩婆伽 摩罰特豆

怛姪他 唵 阿婆盧醯 盧迦帝 迦羅

帝 夷醯唎 摩訶菩提薩埵 薩婆薩

婆 摩囉^カ摩囉^カ 摩醯^ト摩醯^ト唎^ト馱^ト孕 俱盧

俱盧羯蒙 度盧度盧罰闍耶帝 摩訶罰

闍耶帝 陀囉^カ陀囉^カ 地^パ唎^カ尼 室佛囉^カ

耶 遮囉^カ遮囉^カ 麼麼罰摩囉^カ 穆帝唎

伊醯伊醯 室那^{ヲメ}室那^{ヲメ} 阿囉^カ唵^ム佛囉^カ舍

利 罰沙罰嗔 佛囉舍耶 呼盧呼盧摩
囉 呼盧呼盧醯利 娑囉娑囉 悉唎悉
唎 蘇嚕蘇嚕 菩提夜菩提夜 菩馱夜
菩馱夜 彌帝唎夜 那囉謹墀 地利瑟
尼那 婆夜摩那 娑婆訶 悉陀夜 娑

婆訶 摩訶悉陀夜 娑婆訶 悉陀喻

藝 室皤囉耶 娑婆訶 那囉謹墀 娑

婆訶 摩囉那囉 娑婆訶 悉囉僧阿穆

佉耶 娑婆訶 娑婆摩訶阿悉陀夜 娑

婆訶 者吉囉阿悉陀夜 娑婆訶 波陀

摩羯悉陀夜 娑婆訶 那囉謹墀皤伽囉

耶 娑婆訶 摩婆利勝羯囉夜 娑婆

訶 南無喝囉怛那哆囉夜耶 南無阿唎

耶 婆嚧吉帝 爍皤囉夜 娑婆訶

唵 悉殿都 漫多囉 跋陀耶 娑婆訶

般若波羅蜜多心經

觀自在菩薩。行深般若波羅蜜多時。照見五蘊皆空。度一切苦厄。舍利子。色不異空。空不異色。色即是空。空即是色。受想行識。亦復如是。舍利子。是

諸法空相。不生不滅。不垢不淨。不增
不減。是故空中無色。無受想行識。無
眼耳鼻舌身意。無色聲香味觸法。無眼
界。乃至無意識界。無無明。亦無無明
盡。乃至無老死。亦無老死盡。無苦集

滅道。無智亦無得。以無所得故。菩提
薩埵。依般若波羅蜜多故。心無罣礙。
無罣礙故。無有恐怖。遠離顛倒夢想。
究竟涅槃。三世諸佛。依般若波羅蜜多
故。得阿耨多羅三藐三菩提。故知般若

波羅蜜多。是大神咒。是大明咒。是無
上咒。是無等等咒。能除一切苦。真實
不虛。故說般若波羅蜜多咒。即說咒
曰。揭諦。揭諦。波羅揭諦。波羅僧揭
諦。菩提薩婆訶。

附錄

西方發願文

印光大師稱讚此文，詞理周到，為古今冠，淨業行人應背誦熟習，每日依文發願。

蓮池大師 撰

稽首西方安樂國

接引眾生大導師

我今發願願往生

惟願慈悲哀攝受

弟子（各稱己名）普為四恩三有，法界眾生，上求諸佛，一乘無上菩提道故，專心持念阿彌陀佛萬德洪名，期生淨土。又以業重福輕，障深慧淺，染心易熾，淨德難成。今於佛前，翹勤五體，披瀝

一心，投誠懺悔。我及眾生，曠劫至今，迷本淨心，縱貪瞋癡，染穢三業，無量無邊；所作罪垢，無量無邊；所結冤業，願悉消滅。敢從今日，立深誓願，遠離惡法，誓不更造。勤修聖道，

誓不退墮；誓成正覺，誓度眾生。阿彌陀佛以慈悲願力，當證知我，當哀憫我，當加被我；願禪觀之中，夢寐之際，得見阿彌陀佛金色之身；得歷阿彌陀佛寶嚴之土。得蒙阿彌陀佛甘露灌

頂，光明照身，手摩我頭，衣覆我體。
使我宿障自除，善根增長，疾空煩惱，
頓破無明，圓覺妙心，廓然開悟，寂光
真境，常得現前。至於臨命終時，預知
時至，身無一切病苦厄難，心無一切貪

戀迷惑。諸根悅豫，正念分明，捨報安詳，如入禪定，阿彌陀佛與觀音勢至，諸聖賢眾，放光接引，垂手提攜，樓閣幢幡，異香天樂，西方聖境，昭示目前。令諸眾生，見者聞者，歡喜感歎，

發菩提心。我於爾時，乘金剛臺，隨從
佛後，如彈指頃，生極樂國，七寶池
內，勝蓮華中，華開見佛，見諸菩薩，
聞妙法音，獲無生忍。於須臾間，承事
諸佛，親蒙授記，得授記已，三身四

智、五眼六通，無量百千陀羅尼門，一切功德，皆悉成就。然後不違安養，回入娑婆，分身無數，徧十方剎，以不可思議自在神力，種種方便，度脫眾生，咸令離染，還得淨心，同生西方，入不

退地。如是大願，世界無盡，眾生無盡，業及煩惱一切無盡，我願無盡。願今禮佛發願修持功德，回施有情，四恩總報，三有齊資，法界眾生，同圓種智。

印造佛經佛像之十大利益

- 一、從前所作種種罪過。輕者立即消滅，重者亦得轉輕。
- 二、常得吉神擁護，一切瘟疫、水火、盜賊、刀兵、牢獄之災，悉皆不受。
- 三、夙世怨對，咸蒙法益，而得解脫，永免尋仇報復之苦。
- 四、夜叉惡鬼，不能侵犯，毒蛇虎狼，不能為害。

五、心得安慰，日無險事，夜無惡夢，顏色光澤，身力充盛，所作吉利。

六、至心奉法，雖無希求，自然衣食豐足，家庭和睦，福祿綿長。

七、所言所行，人天歡喜。任到何方，常為多眾傾誠愛戴，恭敬禮拜。

八、愚者轉智，病者轉健，困者轉亨，不願為婦女者，報

謝之日，捷轉男身。

九、永離惡道，受生善道。相貌端正，天資超越，福祿殊勝。

十、能為一切眾生，種植善根。以眾生心，作大福田，獲無量勝果。所生之處，常得見佛聞法。直到三慧宏開，六通親證，速得成佛。

印造經像，既有如此殊勝功德，故凡遇到祝壽、賀

喜、免災、祈求、懺悔、超薦之時，皆宜歡喜施捨，努力
行之。

南無護法韋馱尊天菩薩

佛記樓至 屢現童真 功勳浩蕩 正眼分明
兜鍪鎧甲 寶杵隨身 三洲應化 護法護人
有道者 為翰為屏 破法者 碎腦碎心
永佐三尊侍座側 叢林鞏固遠維新

